

et, cuiusque prescriptis quibus praestantur regulis

XIII

Item, ut in omni et singulis rebus, quae ad usum  
et ad usum adhibentur, prout in omni et singulis  
quae ad usum adhibentur, prout in omni et singulis

XIV


Item, ut in omni et singulis rebus, quae ad usum  
et ad usum adhibentur, prout in omni et singulis  
quae ad usum adhibentur, prout in omni et singulis

Hic Testantur, DEO TESTANTE, Nos, Praefecti  
FRANCISCO MICHAEL DISHER, Auctor  
et Collegae Magistri, et Collegae Magistri  
et Collegae Magistri, et Collegae Magistri

FRANCISCO

IN ARTE CHIRURGICORUM SCHOLA

De Collegio, et Schola, et Schola, et Schola  
et Schola, et Schola, et Schola, et Schola





# DE CATARACTA.

## THESES

EX

## ANATOMIA

ET

## CHIRURGIA.

*Quas, DEO JUVANTE, & Præsidi M. JOANNE-BAPTISTA-ANTONIO ANDOUILLE, Professore Regio, Nosocomii Charitatis Parisiensis Chirurgo Primario, antiquo Scholæ Præposito, necnon Nosocomiorum Castrensiū, & Regis exercitūs nup̄r Chirurgo Primario, tueri conabitur JACOBUS-RENATUS TENON, Senonensis, Artium Magister in præclarâ Universitate Parisiensi, olim Primarii Nosocomiorum Castrensiū, & Regis exercitūs Chirurgi Adjutor, nunc Nosocomii Generalis Parisiensis in domo dictâ la Salpêtrière, Chirurgus Præcipuus.*

*de Senis*

P A R I S I I S,

IN REGIIS CHIRURGORUM SCHOLIS.

*Die Veneris 14. Januarii, anno salutis 1757. à sesqui secundâ post meridiem ad septimam.*

PRO ACTU PUBLICO  
ET SOLEMNI COOPTATIONE.



Typis Viduæ DELAGUETTE, Collegii & Academiæ Regiæ Chirurg. Typographi,  
viâ San-Jacobi.









*D. O. M.*  
**THESES ANATOMICÆ  
 ET CHIRURGICÆ.**

---

*EX ANATOMIA.*

s. I.



**T**OT sunt & tantæ, quibus ex videndi facultate gaudemus, opportunitates, mirum ut nulli videatur, si Chirurghi quos nobilis & beneficus agit ardor, oculi morbis sedulò dignoscendis certatim allaboraverint, iisque tutò curandis opem collocaverint & industriam. Varios inter oculi morbos eminet Cataracta; ab omni ævo Chirurgorum animadversionibus & controversiis dignissima. Verùm quàm laudabili ausu recentiores ad hunc morbum penitus eruendum in oculi delicatiora penetrabilia manum salubribus telis armatam immittunt? Quàm felici eventu miseros luce orbatos exquisitissimis vitæ deliciis recreant? Quid stupes? Præpollet sanè ars curandi accuratâ Corporis humani indagatione innixa. Nostros gressus ergo



2

dirigat Anatomia : facem illā preferente , in tām difficili argumento non incedemus ancipites ; imò si quid in investigandā oculorum mechanicā profecimus , aliqualis indē lux , quod aggredimur proposito benigniūs affulgebit.

§. II.

ORGANUM visus , oculus : oculi partes , duplicis generis , accessoriae & propriae . Priores globi compositionem non ingrediuntur quidem , sed eum protegunt variis que motibus reddunt expeditiorem ; tales sunt musculi , pinguedo , glandula lacrymalis , orbita , palpebrae , &c. de quibus cum fusē agant in operibus palām editis anatomici , nihil addemus : posteriores globum , ipsum constituunt ; tunicae scilicet & humores . Has inter partes aliae ut sclerotica , nervus opticus , Choroides , retina , membrana vitrea & corpus vitreum in parte posteriori oculi jacent ; aliae quarum descriptio ut potē ad nostrum pertinens institutum subjicietur , anteriorem ejus partem occupant , nempe cornea , iris , processus ciliares , lens crystallina , ipsius capsulae , ligamentum ciliare , humor aqueus & utraque camera .

§. III.

CORNEA , membrana pellucida , paululū in orbem prominens , albo circumfusa , in anteriori oculo posita ; pluribus constat lamellis diaphanis , porosis , sibi super positis . Eam exteriūs muniunt folliculi duo , conjunctivae & albugineae propagines . Hae tū interiores , tū exteriores lamellae retro feruntur simul : exteriores scleroticae obtenduntur ; interiores aliquantulū productae , in obliquum desinentes , scleroticae in obliquum pariter , ut rectē observavit Brissaeus , (a) procedenti subrepunt & uniuntur . Membrana haec anteriūs convexa posteriūs concava ut plurimū  $\frac{2}{12}$  quandōque  $\frac{1}{12}$  lineae partibus spissa (b) ; videtur esse sphaerae segmentum cujus diameter modō sesqui septem modō 8°. linearum ; (c) chorda corneae quinque obtinet lineas . Oculum à parte anticā terminat ; prominens anteriorem protendit cameram ; aqueum humorem continet ; radios luminis plurimos colligit , ad perpendicularē plus minūs ve pro circumstantiis refrangit , transmittit .

§. IV.

SUB corneā apparet membrana plana , fenestrata , variis distincta coloribus jucundē ordinatis ; iridis nomine gaudet : fo-

(a) Brissaeus , traité de la Cataracte & du glaucome .

Reg. Sci. Acad. ad annum 1728.

(c) Id. ad annum 1725.

(d) Clar. Petit. Med. in actis .



ramen rotundum, pupillam; superficiem posteriorem nigricante muco linitam, uveam vocant. Iridem constituit unica lamella membranacea, à pupillâ in orbem protensa ad circum-  
 lum usque ciliarem à quo brevissimum mutuatur ligamentum (Fig. 1<sup>a</sup>. E F) quo scleroticæ cum corneâ commissuræ inhæ-  
 ret. Lamellam seu septum iridis membranaceum conficiunt  
 fibræ à majori circumferentiâ ad pupillam undatim excurrentes. Posterius firmant albentes lingulæ, (Fig. 1<sup>a</sup>. & 2<sup>a</sup>. 4) ex  
 processibus ciliaribus ortum ducentes, tertiâ circiter supra ante-  
 riorem eorum extremitatem, lineæ parte: ab externo processûs  
 limbo per basim satis latam protenduntur paululùm; mox re-  
 flexæ, post iridem radiatim feruntur, eique per alterum lim-  
 bum adhærent: ad pupillam coangustantur hæ lingulæ, eò  
 tenuiores quò major Crystallini anterior convexitas: limbum  
 posteriorem huic offerunt, tum ut stet paulò ab uveâ remo-  
 tior ne fortè mucus ab ipsâ deglutinetur, tum ut his fulta ma-  
 jor iridis circumferentia cum pupillæ margine planam superfi-  
 ciem obtendat. Reperiuntur in iride duo circuli vasculosi  
 quorum alter pupillam ambit, alter à pupillâ lineæ dodrante  
 distat; ad eos quot in hoc septo excurrunt vasa con-  
 fluunt. In obscuro ad tres lineas dilatatur pupilla, quò plures  
 radios excipiat; in summâ luce ad lineam circiter contrahi-  
 tur: priorem motum conficere dicuntur fibræ musculosæ rectæ,  
 posteriorem orbiculares pupillam cingentes: verùm cum, di-  
 ligentissimis licet inquisitionibus in homine & animalibus ins-  
 titutis, ad motis etiam vitris, non appareant, conijcere par esset  
 post Illustrissimum Duverney (a) dari quosdam motus inde-  
 pendentés à musculorum actione.

S. V.

Post iridem & in majori ejus circumferentiâ videntur  
 tenuissimæ prominentiæ albidæ, stricto & elastico textu: hæ  
 processus ciliares, 72 circiter, in internâ circuli ciliaris facie  
 transverse positos juxta se & ordine suo coronam exhibentes  
 constituunt. Anterior processuum extremitas quæ in orbem  
 effingitur & circum ciliarem excedit, in majori iridis cir-  
 cumferentiâ sub circuli nigricantis specie per corneam appa-  
 ret: processus duos per hanc suam extremitatem unitos quan-  
 dòque inveni; (Fig. 3<sup>a</sup>. m 4); eâ ex unione fiebat rostrulum  
 è cujus convexitate oriebantur lingulæ; (§. IV.) interna illo-  
 rum ora ab extremitate anteriori ad posteriorem quæ desinit

(a) Hist. Reg. Sci. Acad. ad annum 1678.



in apicem, plures flexus continet. Retinæ & vitreæ membranæ flexus, singulos inter processus, ideò irrepentes, ut & adhæreant & vasa inde sumant, si tollas, apparebit in aquâ limpidâ observanti, cujusque processûs ora externa super fundum solidum, cavernosum tamen, sita, cum funiculis albis qui à protuberantiâ communi nascentes ad ipsos desinunt (Fig. 3.)

§. V I.

CRYSTALLINUS humor, corpus lenticulare, pellucidum, capsulâ membranaceâ inclusum, ponè pupillam situm, uveam inter, processus ciliares, & corpus vitreum in cujus sinum recipitur. Quid quid tentârint Anatomici, nullam huc usque Crystallini humoris cum aliis partibus coherentiam deprehenderunt. Imbibitione] nutritur & lamellis suprà stratis accrescit. Exsiccatum coctum ve si inspicias, lamellis sibi invicem commissis, ad instar calculi aut cœpæ, constans observaveris. Si acidis aliis ve liquidis maceretur, tres in partes juxtâ centrum finditur: ex fissuris lucidè patent fibræ rectæ, quæ plures in fasciculos distinctæ prodeunt à centro ad circumferentiam, & à circumferentiâ ad faciei oppositæ centrum excurrunt: tria à fasciculis efformata spatia triangularia occupant fibrillæ rectæ, quæ per unum extremum ad fasciculorum latus desinunt, per alterum verò ad Crystallini limbum; unde reflexæ, eodem ordine ad faciei posterioris fasciculos pertingunt: fibrillas illas tubulos esse quibus nutritus humor in Crystallinum diffunditur, haud imprudenter credi posse existimat Celeberrimus Morgagnus: (a) At certò certius observata manet non in superficie modò, verùm & in singulis lamellis, uniformis fabrica mirabilis; quælibet enim Crystallini Bremæ, Cyprini, Squatinæ, Raia, Anguillæ & plurimorum piscium lamella, microscopio mediante, pulcherrimum aspectu præbet reticulum fibris rectis penè parallelis filamentisque longè tenuioribus transversis subtiliter contextum: ex fibrarum cum filamentis unione innumerî exurgunt pori quadrati longiores; (Fig. 4a.) iteratis sæpissimè observationibus, lamellarum interiorum fibras densiores comperimus quàm exteriorum, proindèque in illis exiguiores poros. Lamellæ omnes sibi invicem unitæ lenticulare corpus quatuor circiter granorum pondere (b) efficiunt, cujus color & soliditas, pro ætate, vulgò diversa: (c) vigesimo quinto ætatis anno, Crystallinus

(a) Epist. Anat. 18.

(b) Petit in actis Reg. Sci. Acad.  
ad annum 1722.

(c) Petitus in actis Reg. Sci. Acad.  
ad annum 1726.



3

humor, mollis & absque colore; quod ætas sit provectior, eò magis obdurefcit, in centro potissimum: anno ætatis trigesimo, subflavus, quadragesimo paleæ colorem refert; quinquagesimo amplius adhuc flavescit; 70° demùm aut 80° succineus color. Quod notandum imprimis, mihiq̃ue, post clarissimum Petitum, pluribus inspectis lentibus stat confirmatum, ejus diameter quatuor linearum, rarò admodùm trium aut quatuor cum dimidiâ; duarum linearum, crassitudo: convexitas anterior, segmentum circuli cujus diameter nunc pollicem, nunc sesqui pollicem obtineret: posterior facies protuberat magis quàm anterior; videtur circuli segmentum cujus diameter esset quinque linearum, sex ad summum; hujus autem convexitatis sectio, ferè parabolica. Ad hoc interserviunt lentis forma, soliditas & diaphaneitas, ut radiis luminis transmittendis par sit & ad perpendicularem refrangendis.

§. VII.

CAPSULA quæ in fossulâ Crystallinum detinet, membranæ vitreæ expansio. Duabus constat lamellis: altera tenuissima post Crystallinum progreditur & vitrei humoris fossulam obteggit; capsulam posteriorem dicimus: altera quæ Crystallinum obvelat, crassior; retinæ productione videtur firmata; (a) capsulam anteriorem nuncupamus. Has inter & Crystallinum infunditur humor, plùs minùs ve, pro hominis ætate & oculorum habitu spissus atque limpidus; humor est Morgagni.

§. VIII.

AMBÆ capsulæ (§. VII.) & retina ad Crystallini limbum accedunt mutuo, ibique cohærentes producuntur simul usque ad processum, ciliares; capsulas perreptant sirculi albi, veluti nervosi: (b) horum omnium concursu exurgit ligamentum strictè & firmè satis, pro subtilitate, contextum; ligamentum ciliare vocant, quod unà cum lente Crystallinâ & utrâque ejus capsulâ vitreum humorem cavo suo detinet & adstringit. Septi seu Crystallini anterioris centrum lineâ circiter cum  $\frac{3}{12}$  à corneâ distat. (c)

§. IX.

SPATIUM illud (§. VIII.) dividit iris in duas impares camera; anterior una, altera posterior: pupillæ apertura utriusque communis: harum capacitatem replet humor parùmper viscosus, salsus & limpidus, aquei nòmine notus. Unam &

(a) Clarif. Winslow exp. Anat.

(b) Eruditus Lieutaud. in eximio libro, essai anatomique.

(c) Clar. Petitus in act. Reg. Sci. Acad. ad annum 1728.



eamdem cavitatem efficit camera anterior, à corneâ & planâ  
 gridis superfacie circumscriptam; lineam circiter, è regione  
 pupillæ, propter corneæ convexitatem, altitudine obtinet; ad  
 circumferentiam verò angustior. Camera posterior non uni-  
 cam, sicut anterior, cavitatem efformat; ad majorem præsertim  
 uveæ circumferentiam, in cellulas pyramidas per lingulas  
 (§. IV.) distribuitur; eam terminant uvea, processus ciliares  
 & anterior CrySTALLINI facies seu potius capsula: ejus altitudo  
 contrâ pupillam  $\frac{1}{8}$  circiter lineæ partis propter CrySTALLINI pro-  
 minentiam;  $\frac{1}{4}$  verò inter lingulas juxtâ processus ciliares.

## EX CHIRURGIA.

### §. X.

**COLORIS** qui trans pupillam conspicitur, in album, fla-  
 vum, sub nigrum, &c. immutatio, cum visus imminutione  
 in principio morbi, in incremento abolitione, cataracta di-  
 citur.

### §. XI.

**QUÆNAM** sit hujus vitii sedes, si quæras, factâ oculorum  
 cataractâ laborantium dissectione, crySTALLINUM quandòque  
 opacum (a) deprehendes: ergo tunc cataractam constituit  
 CrySTALLINI opacitas.

### §. XII.

**AT** verò capsulas nunc spisso quodam luto (b) quod aquâ  
 diluitur, nunc concretionibus (c) etiam post longiorem mace-

(a) Antonius Maitre-Jan in libro  
 cui titulus. *Traité des Maladies de  
 l'œil*. Brissæus in scripto. *Traité de la  
 Cataracte & du Glaucoma*. Lauren-  
 tius Heister in tractatu de *Cataractâ  
 & Glaucomate*.

(b) Morgagnus epist. 18a. Petitus  
 in actis Reg. Sci. Acad. ad annum  
 1730. idem inter operandum obser-  
 vamus; aliquandò enim materiam  
 hanc ab internâ capsularum facie ha-  
 bemus eradendam, sicut jam adno-  
 tavit in actis Regiæ Chir. Acad.  
 Tom. II. D. Davielus in præsentis  
 Argumento versatissimus.

(c) OBS. 1<sup>a</sup>. Utrumque Cryf-  
 tallinum opacum & capsulis adhuc  
 contentum cum extraxissem ab equi  
 viventis oculo, capsulas reperii con-  
 cretionibus solidis albidisque pers-  
 persas, quæ capsulis in aquâ licet  
 per aliquot dies maceratis pertina-  
 citer adhæserunt.

OBS. 2<sup>a</sup>. In oculo humano post  
 dissectionem comperi capsulam an-  
 teriorem per duas circiter lineas  
 anteriori CrySTALLINO adhærentem,  
 & ita quidem ut capsulam quam ad  
 CrySTALLINI limbum incisam ad me  
 traxeram ut à lente avellerem, la-



rationem superstitibus oblinitas, nunc ex omni parte opacas reperies : (a) hujus rei invictissimum argumentum, oculi dis-

mella lentis fuerit secuta : durissima & in loco adhæsiōis opaca erat capsula; CrySTALLINUS exsiccat, flavescens & mole minor.

(a) DD. Morand & de la Peyronie in actis Regiæ Sci. Acad. ad an. 1712. Valſalva in dissertatione Anatomica secundâ. Morgagnus, epist. 18a. D. Hoin in actis Reg. Chir. Acad. T. II.

Ex quo dissertationem de capsularum vitio coram Regiâ scien. Academiâ legi anno 1755, quinque insuper reperi opacas, ut ex sequentibus observationibus patebit.

Obs. 3<sup>a</sup>. & 4<sup>a</sup>. Oculum humanum Cataractâ confectum, adſtanre D. Chopin Regio Chirurgo-trimestri, dissectui. capsula, illi planè similis, quam anno 1754, extraxi à mulieris viventis oculo : hæc aquâ abluta opacitatem servavit; ipsam inter & CrySTALLINUM qui & opacus erat & mole imminutus, jacebat multus humor Morgagni flavus & subspissus. Capsula integra ex oculo equino extracta, idem prorsus mihi ostendit exemplum.

Obs. 5<sup>a</sup>. Hanc in oculo equino institui. Emaciatus erat oculus; flaccida sclerotica; camera anterior humore plena; vitrei corporis pars major perierat; quod reliquum, liquidum erat & flavescens; lens sub rubra, mole arctior, in cameram anteriorem secesserat: apparebat post uveam septum quoddam membranaceum, lineæ crassitudine, cartilagineis instar solidum, album, opacum tamen, quod variis radiorum ciliarium impressionibus distinctum, ad processum usque ciliares quibus adhærebat, protendebatur: in facie posteriori deprehendebatur lata cicatrix albida, manifestè fibrosa: post severum morbi singularis examen, septum hoc judicavi ab unionem cellula-

ræ corporis vitrei cum capsulis CrySTALLINI, effectum: verum, quod notandum maxime, minor erat nervus opticus; minus quàm in statu sano, candidus, fibrosus, & solidus; in tuberculum non in depressionem ferè pellucidam desinebat.

Obs. 6<sup>a</sup>. Alterum pro capsularum opacitate subministrat argumentum ejusdem equi dexter oculus, in quo non singularia minus ac utilia occurrebant observanda. Emaciatus erat, at minus sinistro: nervum pariter opticum minus solidum, crassum, candidum & fibrosum deprehendi; in tuberculum terminabatur: plena erat utraque camera: trans pupillam quæ non plus æquo patebat, apparebat color luteus: corneam vix excideram, effluxit statim multus humor subflavus; præ illius copiâ, corpus vitreum liquefactum, simul cum humore aqueo effusum conjeci; oculi fundum diffindo, ut interiora prospiciam: circâ CrySTALLINUM, in ligamento ciliari, plurima deprehendi foramina; per hæc effluerat humor vitreus qui liquidus evaserat: CrySTALLINUM in sede suâ inveni solidum, flavum, opacum & in facie anteriori magis quàm in posteriori convexum; in spiritum vitrioli cum injecissem, supernatavit, sicut & CrySTALLINI sani quos simul injeceram; verum non sicut hi, albescere visus est: tenuis erat & diaphana, capsula anterior; posterior verò solida erat, opaca & crassissima: hanc diligenter perspectam, ex duabus lamellis membranaceis constare inveni; alteram censui capsulæ ipsius lamellam, alteram verò cellularum corporis vitrei collapsam.

Obs. 7<sup>a</sup>. Quinta mihi suppetit pro capsularum vitio & opacitate, probatio, ex Cataractâ cujus ope-



fectio, nec non rationi consentaneum; neque enim opaci sunt semper qui ex oculo quem Cataracta inficit, extrahuntur Crystallini. (a) Capsula & membrana vitrea, in animalibus rubiâ pastis, rubeo tinguntur colore, dum cæteræ membranæ vel corpora oculi diaphana nativum servant colorem. (b) Cataractam interdum tollunt mercurialia; (c) id autem fieri non valeret, nisi Cataracta capsulas infestaret, quas quidem subire possunt mercurialia, minimè verò lentem quæ nullum hucusque notum cum partibus vicinis habet commercium. (§. VI.) Licet sanus sit oculi fundus, licet apprimè peracta fuerit operatio, non felix semper exitus; quandòque enim non nisi imperfectè, quandòque perfectè quidem sed ad tempus duntaxat, quandòque demùm ne imperfectè quidem videt æger. Ergo & factis liquet & argumentis in capsularum opacitate Cataractam haud infrequenter consistere.

#### §. XIII.

Ex prædictis (§. XI. & XII.) evidenter sequitur Cataractam aliam esse Crystallinam, aliam capsularem, aliam ex utraq; compositam. Crystallina duplex: mollis, ubi lens ex toto vel ex parte dissoluta; solida, ubi lens vulgò exsiccata & mole minor. (d) Capsularis in anteriorem & posteriorem dividitur. Composita triplicis speciei; vel enim cum Crystallino opaca est capsula anterior, vel posterior, vel utraq; simul.

rationem in quodam hujus Urbis mercatore institui. Dissolutus erat Crystallinus; capsulâ membranæ pergamenæ instar, densata & solida. Operosus fuit labor; capsulâ tamen quadripartitâ, id tandem sum affecutus, ut sufficientem radiis patefacere aditum. Huc referre juvat quod à celeberrimo Joanne-Baptistâ Wulpio accepisse se ait Morgagnus; asserit ille vitium omne in lentis tunicâ interdum sibi visum refidere: non fortius enim acui reluctabatur Crystallinus, dum è contrâ ad duritiem Cartilaginis accedere videbatur capsula.

(a) Lege in actis Reg. Sci. Acad. ab eruditis extraneis vol. tertium.

(b) Ex obs. clariss. Duhamel & Morand in actis Regi. Sci. Acad. ad annum 1739.

(c) Clarif. Boyleus in suis de utilitate Philosophiæ experimentalis exercitationibus.

(d) OBS. 8a. Crystallinum quidam sanus, quatuor vulgò linearum est, ex oculo extractum Cataractâ vitiatum, duarum tantum modò, duarum & dimidiâ, trium, interdum in Cataractâ recente trium cum dimidiâ linearum inveni: ne duas quidem habentem lineas, in cataractis mollioribus comperi.

OBS. 9a. In oculis quos recentissimè dissecuri, quorum alter sanus, alter Cataractâ depravatus, Crystallini sani diameter erat quatuor linearum; duarum, crassitudo: vitiatum erat viscosus, solidus, flavescens; diameter ejus, trium linearum cum dimidiâ; selsqui lineæ, crassitudo.

#### §. XIV.



9  
§. XIV.

CAUSA Cataractæ proxima, vasorum capsularium nec non tubulorum & macularum lentis obstructio, item quid quid genuinam ejus destruit structuram. Dolor acutus, vis externa, inflammatio, ignis vel aquæ ferventis nimia in oculos actio, radii vividiores, lentis in sacculo compressio humoris Morgagni absorptionem secuta nimiam ve musculorum rectorum & obliquorum contractionem, capsularum suppuratio, lymphæ lentor & spissitas, partibus, succrescente ætate adveniēns rigiditas, causa remota.

§. XV.

(A) Signa Cataractæ diagnostica, communia vel propria: ex communibus, alia ad ægrum pertinent ipsi soli nota, scilicet visus hebetudo, decurtatio, perpetua allucinatio, quæ eò sæpè accrescit ut phantasmata corporum non autem formas intueatur: alia Chirurgo apparent, nempe post pupillam vel in ipsâ pupillâ alienum conspiciat colorem qui pro pupillæ dilatatione vel contractione amplior vel angustior. Hæc ubi adsunt, Cataractam adesse tutò judices; qualis autem illa sit, indicabunt sequentia.

(B) Color flavus, succineus, fuscus, nigricans, sub rubeus, Cataractam Crystallinam designat, lentemque exsiccata; hæc cataractæ species profunda magis quàm Cataracta capsularis anterior, minùs quàm capsularis posterior; item alta magis aut minùs prout anteriorem aut posteriorem Crystallinæ lentis faciem inficit; si posteriorem, ad pupillam in dies accedit.

(C) Color cineraceus, spatiis lucidis & quasi vacuis distinctus Crystallinam Cataractam denotat, lentem verò ex toto vel ex parte dissolutam.

(D) Quæ superficiei proxima; quæ convexa & ceruleo-candida; quæ plana & in centro albida; quæ acuta in apice albicat & in circumferentiâ glauco tingitur colore, capsularis anterior.

(E) Quæ verò plures lineas post pupillam demissa; quæ lata, concava, in centro si senex æger, flava, si juvenis, sub alba, capsularis posterior. (capsulam posteriorem & lentem diaphanas adhuc ponimus; aliàs signa hæc non apparitura nemo non videt.)

(F) Cataractam compositam annuntiabunt signa communia, (§. XV. A.) quibus in primâ specie accedent signa Ca-



cataractæ capsularis anterioris propria (§ XV. D.) & major obscuritas quàm si sola capsula sit opaca; in secundâ specie signa Cataractæ CrySTALLINÆ peculiaria, (§. XV. B. & C.) major obscuritas quàm si solus CrySTALLINUS sit opacæus, lenta pupillæ mobilitas, immobilitas, interdum etiam ampliatio; in tertiâ specie signa cataractæ capsularis anterioris, (§. XV. D.) obscuritas maxima, pupillæ in motibus lentor, inertia, nonnumquam dilatatio.

## §. XVI.

Si apertiores palpebræ; si oculus satîs promineat; si convexa, ut par est, cornea; (§. III.) si Cataracta CrySTALLINA; si exsiccata lens atque imminuta, non tamen adhærens; (obs. 2<sup>a</sup>.) si (in eâ quam meliorem indigitabimus methodo) fusa ex toto vel ex parte; si cataracta capsularis anterior; si superfit luminis sensus; si denique colorem iris, suamque mobilitatem & formæ rotunditatem servet pupilla, Bonum.

## §. XVII.

At verò in Cataracta capsulari posteriore, cum eam generare aut vis externa aut nimia inflammatio; si nova accedit oculo forma, & accrescit aut decrescit; ubi comes gutta serena; ubi spissior evadit retina aut à choroide separatur; ubi dissolvitur corpus vitreum, densatur fitque osseum; ubi lens CrySTALLINA fit ossea aut alterutri capsulæ adhæret; ubi capsulæ humore viscoso exsiccato interius perfunduntur, aut obduruere; ubi uveæ adhærescunt, aut iris corneæ accrescit; ubi albugine, cicatrice, ulcere, & staphilomate affecta cornea; immotâ, nimium dilatâ, contractâ, corrugatâ, pupillâ; nativo demum iridis colore exuto, Malum.

## §. XVIII.

In Cataractâ cui favet operatio, duplicem exhibet methodum Chirurgia, depressionem nempe & extractionem. In depressione, nervum ciliarem ejusque ramulos, processus, circulum, radios & ligamentum pungendi periculum est; non numquam ipsum muscoli abductoris tendinem pessimè lædit acus; frequenter rumpuntur vasa choroidis, unde sanguis effusus oculum miserè devastat. Discinduntur capsulæ? CrySTALLINUS, si fuerit dissolutus, in humorem aqueum effluit; si mollior, deprimi nequit; si solidus & trajiciatur acu, vix expeditur: perfectè non deprimitur? Pupillæ partem obturat, vel pro elaterio corporis vitrei in priorem repellitur sedem: adhæret? ægrè distrahitur: deprimitur? fortè per unum limbum in retinam impingit, ipsam inter & choroidem irrepit: retrò plus



æquo pellitur? Luminis radios intercipit: rara demùm fortuna, si inter frequentes acūs motationes, vitrei corporis cellulae non discindantur: Cameram anteriorem subit lens? hinc novus labor ut educatur. His omnibus incommodis obnoxia minimè est extractio; imò perfectum ægro restituit oculorum usum, eoque perfectiorem quòd CrySTALLINI fossula ab humore vitreo in ejus locum secedente repletur. (a) Ergo Cataractam CrySTALLINAM extrahere quàm deprimerè satius est.

### §. XIX.

EXTRACTIO depressioni sanè anteferenda ubi Cataracta CrySTALLINA; diversa enim Cataractæ species diversum haud dubiè requirit operandi modum. Si CrySTALLINA sit, lens extrahenda: si capsularis anterior, capsula crucis in modum incidenda, lens que educenda: si capsularis posterior, incisâ capsulâ anteriori, extractâ lente, capsula posterior in modum supradictum refecanda; sicque radiis luminis patebit ad retinam via.

### §. XX.

HIS omnibus perficiendis abundè sufficiunt instrumenta duo; altero cornea scinditur, altero finditur capsula.

### §. XXI.

IN statu sano CrySTALLINUS est quatuor linearum; (§. VI.) in Cataractâ sanabili angustior; (obs 8. & 9.) ergo per sectionem quatuor linearum in corneâ institutam, facilis CrySTALLINI

(a) Ubi Cataracta deprimitur, in CrySTALLINI locum secedere corpus vitreum & convexum fieri credebant omnes; non ita certum quam induat figuram, quando lens extrahitur: fit ne convexum? Sicut post depressionem; manet ne concavum? Sicut in libello recens edito cui titulus *Dissertazione sopra l'arte ed un nuovo modo di ristabilire la vista*, contendit Tailorus. Quid in re adeò gravi sentiendum, cognoscendi cupidus, ad experientiam confugi. Saviente igitur hieme anni 1754. Cataractæ operationem in cane celebravi: post exactum ab operatione diem 18um, oculum gelu indurandum curavi, simul cum oculo sano: his bifariam divisus per sectionem ab anteriori oculo ad posteriorem, productam, sequentia adnotavi.

Obs. 10<sup>a</sup>. Oculus sanus longitudinis habebat novem lineas & dimidiam, latitudinis 9<sup>m</sup>; camerarum anterioris & posterioris altitudo, duarum linearum ex adverso pupillæ; CrySTALLINUS erat duabus lineis crassus; post CrySTALLINUM humor vitreus quinque lineas cum dimidiâ obtinebat. Oculus in quo operatio fuerat peracta longitudinis 8<sup>o</sup>, tantum habebat lineas, latitudinis 7<sup>m</sup>, cum  $\frac{1}{4}$ ; camerarum altitudo lineæ dumtaxat; planam superficiem anteriùs obtendebat corpus vitreum; ab humore aqueo ad oculi fundum 7<sup>m</sup>, tenebat lineas: in oculo sano humor aqueus 7<sup>m</sup> granorum, trium tantum modò in oculo operationem passo.



eductio; ad semi-lineam itaque à conjunctivæ marginē sectionem inchoabis & absolves. (§. XII.)

§. XXII.

OMNIBUS ad operandum dispositis, caput ægri parūmp̄ reclinatum sinu excipit Chirurgus, firmatque manu superpositā, dum altera ad mentum delata palpebram inferiorem unculo hunc ad usum quæsito depressam tenet. Operator interea sublimi celsus sede ex adverso ægri collocatur; palpebram superiorem sinistro, si de sinistro agatur oculo, stabilit pollice, & scalpellum (*Fig. 5<sup>a</sup>.*) dextrā manu in corneam immittit ad semilineā à conjunctivā distantiam, versus minorem oculi canthum: instrumentum è regione pupillæ ad latus oppositum dirigit, quod ad eandem à conjunctivā distantiam perforat; fissuram usque infra pupillam producit; quò cum deveniit, instrumenti aciem anteriùs convertit, agit, corneam secat & instrumentum retrahit. Peractā corneæ incisione, incidenda venit capsula; quod tutò & facilè absolvēt Chirurgus scalpelli ope, (*Fig. 6<sup>a</sup>.*) cujus immittet cuspidem per corneæ aperturam, ita ut ejus resegmentum latere obtuso tollat sursum, & per pupillam ad cameram posteriorem attingat: tunc ne parcius sit capsulæ sectio, ne lædantur iris & processus ciliares, ne periculosa compressionem requirat CrySTALLINI extractio, iridis marginem instrumenti dorso defensam paulisper amoveat, aciem in capsulam inferat & sectionem ferè usque ad lateris oppositi marginem ducat: tūm retractā paulisper versus minorem oculi canthum pupillæ orā; & inverso instrumento, eādē cautelā, sectionem perficiat; sic discissā capsulā, spontè sæpè sapiùs prodit lens. Hæc est quæ nos plurimūm juvat, in Cataractā CrySTALLINā operandi methodus.


§. XXIII.

SI Cataracta sit capsularis anterior, corneā juxtā laudatam methodum (XXII.) incisā, capsulam crucis in modum refecabit operator; quod ut facilè præstet, iridis cui obtusum instrumenti latus offerre curabit, toties removeat oram, quoties incisiones quatuor ad pupillæ axem desinentes aggreditur; tunc recisæ capsulæ segmentibus ad latera discedentibus, lentis extractione operationem perficiet.


§. XXIV.

UBI Cataracta capsularis posterior, post corneam defestam, (§. XXII.) extractam lentem, capsula posterior eodem scalpello, (*Fig. 6<sup>a</sup>.*) eādē solertiā (§. XXII. & XXIII.) superiorique, ut ita dicam, animadversione refecabitur.











## TABULÆ EXPLICATIO.

*Figura I<sup>a</sup>. exhibet Oculi posteriorem horizontaliter in duas partes æquales secti, cujus diameter quadruplo major quàm in statu naturali.*

- |  |   |
|--|---|
| <p><b>A.</b> Cornea.<br/> <b>C D.</b> Cornea &amp; sclerotica secantur &amp; à loco ut designat punctorum series amoventur quò magis appareat ligamentum iridis.<br/> <b>E F.</b> Iridis ligamentum.<br/> <b>E.</b> Ligamentum iridis protensum.<br/> <b>G.</b> Filamenta circulum ciliarem scleroticæ annectentia.<br/> <b>H.</b> Camera anterior.<br/> <b>I I.</b> Iridis sectio.<br/> <b>i.</b> Pupilla.<br/> <b>4.</b> Lingulæ super posteriorem iridis faciem radiatim positæ.<br/> <b>K.</b> Crystallini sectio.<br/> <b>L.</b> Circuli ciliaris pars.<br/> <b>M M.</b> Processus ciliares : octodecim tantum hîc depinguntur, totidem</p> | <p>qui figuram nimium obscurassent; omisiss.<br/> <b>N.</b> Processus ciliaris horizontaliter in loco conspectus : unius faciei forma apparet; concavus est limbus externus, circuli ciliaris prominentiæ supercrescit; internus verò convexus, variis flexibus distinguitur : extremitas posterior in apicem definit; anterior in orbem effingitur : observare etiam est lingulam, quomodo iridem inter &amp; crystallinum producat.<br/> <b>O.</b> Capsula anterior.<br/> <b>P.</b> Capsula posterior.<br/> <b>Q.</b> Ligamentum ciliare.</p> |
|--|---|

*Figura II<sup>a</sup>. repræsentat processum, in Figurâ primâ litterâ N. notatum, horizontaliter situm, cum ipsius lingulâ.*

- |  |   |
|--|---|
| <p><b>1.</b> Limbus externus concavus.<br/> <b>2.</b> Limbus internus convexus &amp; flexuosus.<br/> <b>m.</b> Extremitas posterior.<br/> <b>3.</b> Extremitas anterior.</p> | <p><b>4.</b> Lingula.<br/> <b>5.</b> Una ipsius facies, in quâ videntur aliquæ funiculorum albidorum expansiones.</p> |
|--|---|

*Figura III<sup>a</sup>. exprimit circuli ciliaris partem, super quam interiùs positi sunt processus duo, à limbo interno conspecti, absque lingulis.*

- |   |  |
|---|--|
| <p><b>I I.</b> Circuli ciliaris pars.<br/> <b>m 3.</b> Processus simplex; extremitas anterior 3 circulum ciliarem paululum transiit; spissior est posteriore m. quæ eundem circulum multum excedit.<br/> <b>m 4.</b> Processus compositus: 4 extremitas anterior duas in lamel-</p> | <p>las divisa.<br/> <b>6.</b> Protuberantia communis.<br/> <b>7.</b> Funiculi albidii cellulas quasdam seu cavernulas effigientes, à protuberantiâ communi ad processus usque extenduntur supra quorum facies progredi videntur, sicut cernere est fig. 2. N<sup>o</sup>. 5.</p> |
|---|--|

*Figura IV<sup>a</sup>. crystallini squatinæ lamellam promit microscopio perspectam, in quâ observantur fibræ parallelæ quas inter cernuntur filamenta longè tenuiora, perpendiculariter in ipsas incidentia.*

*Figura V<sup>a</sup>. Scalpellum Clar. de la Faye unâ facie recurvum, latere duntaxat scindens excepto apice qui anceps est; hujus instrumenti lamellam idè unius lineæ latam feci, ut cameræ anterioris altitudini faciliùs adaptatam; longitudinis etiam tres lineas detraxi, ut eo commodiùs uterer.*

**r.** Designat instrumenti curvaturam.

*Figura VI<sup>a</sup>. exponit scalpellum nostrum, capsulæ præsertim incidendæ accommodatum, altero latere secantem, altero obtusum.*

### ERRATA.

**Fig. 5.** nò. (a) Clarif. lisez Clarif. pag. 7. Obs. 6. lig. 20. deprehendi, lisez deprehensi. pag. 10. lig. 8. dilatatio, lisez dilatio.

### EXPLICATION DE LA PLANCHE.

**Fig. Va.** lig. 4. adaptatam, lisez adaptarem, ibid. commodiùs, lisez commodius.  
**Figura Vla.** lig. 2. secantem, lisez secans.



